



## Universitätsbibliothek Paderborn

**D. Bernardi Primi Clarævallensis Abbatis, Ordinis  
Cisterciensium Antesignani, melliflui Ecclesiæ Doctoris  
Sermones In Dominicas & Festa per annum**

**Bernardus <Claraevallensis>**

LXXVIII. De differentia Tabernaculi Atrii Domus. in illud: Quam dilecta  
tabernacula &c.

**urn:nbn:de:hbz:466:1-39254**

Psal. 17. g.

*Quatuor differentiae hominum cognitorum & non cognitorum à Deo.*

**P**opulus quem non cognovi, servivit mihi<sup>a</sup>. Non esset magnæ admiratio-  
nis, si populus à Deo cognitus serviret illi. Cum vero incognitus illi  
serviat, & in auditu autis obediatur, magnæ laudi adscribendum est. Ex hoc  
genere cognitorum & non cognitorum, & cognoscentium & non cognos-  
centium sunt quatuor differentiae. Quidam enim sunt qui à Deo cognos-  
cuntur, & Deum cognoscunt; alii non cognoscuntur, nec cognoscunt,  
alii cognoscuntur quidem, sed ipsi non cognoscunt; alii non cognoscun-  
tur, & tamen cognoscunt. Cognoscere Dei, est felicem facere; cognos-  
cere hominis est gratias agere. Qui ergo cognoscuntur à Deo, & Deum cognos-  
cunt, sancti Angeli sunt, qui ab eo felices facti, eius laudibus semper va-  
cana, & obsequiis deserviunt. Quirne cognoscuntur, nec cognoscunt;  
pauperes sunt necessarii, quos nec rerum temporalium copia ditat, nec bea-  
tificat servitus divina. Qui autem cognoscuntur, sed non cognoscunt, divi-  
tes sunt huius sæculi, qui acceptis quidem opibus afflunt, sed carnalibus  
desideriis huius sæculi pressi, nunquam ad cœlestia cor suspendunt.

Qui vero non cognoscuntur & cognoscunt, pauperes sunt voluntaria-  
rii, quos nec tribulatio, nec angustia, nec alia quæcumque pericula pos-  
sunt separare à charitate Dei. Et hi nimis multis modis probantur ad-  
versis, durisque fatigantur tribulationibus, sicut scriptum est b: *Vasa fragili*  
*probat fornax, & homines iustos tentatio tribulationis.* Ex quorum item per-  
sona loquitur Psalmus c: *Deus Deus meus respice in me, quare me dereliquisti?*  
Nunquid non incogniti videntur qui orant ut respiciantur? Veruntamen  
licet dersicti videantur, ipsi tamen Deum cognoscunt; & ex persona co-  
gnoscentium statim in eodem Psalmo subinfertur: *Deus meus clamabo per*  
*diem, & non exaudies; & nocte, & non ad insipientiam mibi.* De his ergo vox  
divina dicit: *Populus quem non cognovi, servivit mihi.* Ac si aperte diceret An-  
gelis suis. Quid, si vos mihi servitis quos felices facio, quandoquidem illi  
mihi serviant quos in sua paupertate derelinquo? Et quid, si vos mihi obe-  
ditis qui faciem meam videtis, cum & illi obediant qui me tantum audiunt,  
& non vident? Vident quippe Angeli, audiunt homines. Audiunt scilicet  
& obediunt, ut quandoque similes Angelis facti, mereantur ipsi quoque  
videre. Itaque auditus est meritum videndi, visio præmium audiendi. Et  
prius est audire, videre posterius, sicut scriptum est d: *Audi filia & vide.*  
Quisquis ergo in futuro Deum videre desiderat, profecto necesse est ut in  
præsenti prius Deum audiat, & in auditu auris obediatur.

## SERMO LXXVIII.

De differentiâ tabernaculi, atrii, domus. *Quam dilecta tabernacula tua**Dom. virt. &c. Plal. 83. a*

*In taberna-  
culis iussi in-*

**T**ria sunt Tabernacula, Atria, Domus. In tabernaculis sunt omnes  
iussi in carne viventes & laborantes; quia tabernacula laborantium  
sunt

sunt & militantium. Tabernaculum verò habet tectum, sed fundamento caret, & portabile est: quia justi in præsentibus non sunt fundati, sed inquirunt civitatem desursum fundamenta habentem. Fides etiam eorum, quæ est fundatentur, non est in terrenis, sed in Domino tectum habent, id est, munitum gratiæ & protectionem. Atria sunt domui vicina, amplitudinem habentia. In illis sunt animæ sanctæ corporibus extutæ, quæ in latitudine sunt, deposita carnis angustia. Atria habent fundatum, sed non tectum, quia animæ quæ in amore Dei sunt non ruunt, unde stantes erant pedes nostri a; sed non habent tectum, adhuc expectantes augmentum, quod non erit nisi in resurrectione corporum suorum. Post ipsam sanè resurrectionem cum Angelis erunt in domo, quæ habet fundatum & tectum. Fundamentum est stabilitas æternæ beatitudinis, tectum consummatio & perfectio ipsius.

*carne vivente.*

*In atrii sunt animæ corpore solute.*

<sup>a</sup> Psal. 121. a

*In domo animæ corporibus post resurr. redditæ.*

## S E R M O LXXXI.

*De voluntate Deo semper & in omnibus subiicienda.*

**P**aratum cor meum Deus, paratum cor meum <sup>a</sup>. Via regia, Fratres, nec ad dexteram declinat, nec ad sinistram. Porro invenire est hominem semel quidem paratum, non quidem secundo. Si dixerit ei Deus, *eiice ancillam & filium eius* <sup>b</sup>, dico autem opera carnis: non cunctatur. Si dixi <sup>c</sup>, immola mihi filium tuum quem diligis Isaac: hoc plane jam patienter audire non potest, ut fraternalis utilitatis aut unitatis gratia, spiritualis sustinere videatur studii detimenta. Quidni abiiciat facile servus Christi quicquid ad corpoream pertinet voluptatem? At vero spirituali jucunditate æquanimiter fraudari quando aut obedientia cogit, aut fraternalis charitatis ratio postulat, hoc plane inagnitur & Deo gratum offerre est holocaustum. Memento tamen non Isaac in hoc sacrificio, sed arietem contumaciam jugulari.

<sup>a</sup> Psal. 56. a

<sup>b</sup> Gen. 21. b

<sup>c</sup> Gen. 22. b

*N O T A.*

*Quam difficile propriam relinquare voluntatem.*

## S E R M O LXXXII.

*De triplici unitate.*

**E**cce quād bonum & quād iucundum habitare fratres in unum <sup>a</sup>. Est unitas naturalis; unitas carnalis; unitas virtualis; unitas moralis; unitas spiritualis; unitas socialis; unitas personalis; unitas principalis. Unitas naturalis est inter corpus & animam. Unitas carnalis inter virum & mulierem, de qua dictum est <sup>b</sup>: *Erunt duo in carne anima.* Unitas virtualis est quæ hominem sibi ipsi coniungit, ut non per diversa effluat, sed cum Propheta unitam petat a Domino. Unitas moralis est quæ nos coniungit proximo. Unde Psalmista dicit: *Qui habitare facit unius moris in domo.* Unitas spiritualis est quæ nos coniungit Deo. Unde Apostolus <sup>c</sup>: *Qui adhaeres Deo, unus spiritus es.*

<sup>a</sup> Psal. 132. a

*Fratres multo.*

<sup>b</sup> Genes. 2. d

<sup>c</sup> Psal. 26. b

<sup>d</sup> Psal. 67. 8

<sup>e</sup> 1. Cor. 6. d

V Y Y Y 3

Unitas